

佛祖統紀卷第三十五

世

宋咸淳四明東湖沙門 志磐 撰

法運通塞志第十七之二

西漢都長



武帝至白高祖受命此為四世

元光二年十三祖龍樹於南天竺以法歲付

池王

迦那提婆入月輪三昧蟬蛻而去壽三百歲

元狩元年初博望侯張騫自月氏還西域名言

臣在大夏時國音下見印竹杖蜀布問安得此

國人曰吾賈人市之身毒即天竺身毒在大

夏東南可數千里此其去蜀不遠乃今為因

蜀健為使音度發問使王然于等指之身毒

永樂北藏

佛祖統紀

第二〇〇册

同標之義又問四歲餘皆閉昆明莫能通焉處遠使言不一

四年驃騎將軍霍去病討匈奴過焉音意

千餘里得休屠王祭天金人音頻如部反屠音

也王霍去病獲金人長丈餘帝以為大神列

於甘泉宮焚香禮敬志

成帝驚元

建始元年十四祖提婆至迦毗羅國以法截

付羅睺羅多

河平三年使謁者陳農求遺書於天下

鴻嘉二年光祿大夫劉向校書天祿閣往往

見有佛經向著列仙傳云吾搜檢藏書緬尋

太史撰列仙圖自黃帝已下迄至于今得仙道者七百餘人檢定虛實得一百四十六人其七十四人已見佛經矣

述曰洪興祖有云梁孝標注新語引列仙傳序言七十四人已見佛經今書肆板行者乃云七十四人已見佛經蓋是道流擅改之耳然天祿有佛經此語可證

哀帝帝孫

元壽元年遣景憲使大月氏得其王口授浮圖經還當時行有齊戒者魏書佛老志浮圖亦佛陀此云覺者述曰蘇由對昭王毫多對穆孔子答商大宰皆言西方聖人而不明言為佛霍去病

獲金人亦不知為佛化人勸穆王造迦葉佛像由余對秦繆公則曰佛神室利房齋佛經化始皇劉向校書天祿見有佛經景憲使月氏得浮圖經此則已言佛而未行其教皆在漢明帝感夢求佛之前天人答南山蘇由毫多傳毅皆佛所使也至言劉向見有佛經者意張騫使大夏去病獲金人必有佛經典之俱至特時人弗行國史弗錄耳不然則不應天祿有其書也

東漢陽洛

明帝武帝子

永平元年十五祖羅多至室羅伐城以法蓋

付僧佉難提當佛滅一千年出
七年帝夢金人丈六項佩日光飛行殿庭旦
問群臣莫能對太史傅毅進曰臣聞周昭之
時西方有聖人者出其名曰佛帝乃遣中郎
將蔡愔秦景博士王遵十八人使西域訪求
佛道

十年蔡愔等於中天竺大月氏遇迦葉摩騰
竺法蘭得佛倚像梵本經六十萬言立也載
以白馬達錮陽改火能王故騰蘭以沙門服謁
見館于鴻臚寺切廣口鴻臚寺也傳也所
十一年敕錮陽城西雍門外立白馬寺
摩騰始譯四十二章經大經部以大法初傳故

永樂北藏

佛祖統紀

振引要義藏梵本于蘭臺石室圖佛像於西
陽城門及顯節陵上明帝帝問摩騰曰佛出
世後何以化不及此騰曰天竺迦毗羅衛國
者三千大千世界百億日月之中三世諸佛
皆於此出天人龍鬼有願力者皆來生彼受
化悟道餘處佛雖不往然光相及度千年五
他五百皆有聖人傳佛聲教而往化之帝大說
十四年正月十一日五嶽八山道士褚善信
六百九十人上表請與西域佛道角試優劣
敕尚書令宋庠以十五日大集白馬寺帝設
行殿于寺南門立三壇道士於東壇置經子
符籙摩騰於道西置壇安經像舍利中壇奉

饌食莫祀百神道士遠壇泣曰主上信邪玄
風失緒敢延經義於壇以火取驗即縱火焚
經悉成灰燼道士相顧愧赧所試咒術入火
履水皆不得行又焚佛經光明五色上徹天
表烈火既息經像儼然摩騰涌身飛空現諸
神變法蘭出大梵音宣明佛法天雨寶華大
衆欣說太傅張衍謂道士曰卿等無驗宜從
佛教道士費叔才自感而死司空劉峻等二
百六十人京師士庶張子尚等三百九十人
後宮陰夫人王倖得官人等一百九十人五
嶽道士呂惠通等六百二十人並求出家帝
可之敕於雒陽創十寺七寺城外安僧三寺

城內安厝並給供物帝嘗幸白馬寺摩騰進
曰寺東何館也帝曰昔有阜夷之復起有光
怪民呼聖冢騰曰昔阿育王藏佛舍利八萬
四千塔震旦之境有十九處此其一也又震旦
東方支那之四也帝大驚即與俱往禮拜
見圓光涌氣上光中有三佛侍衛驢呼皆稱
萬歲帝大說曰不有二士為知大聖遺祐哉
乃詔造塔其上高九層二百尺明年有光見
丁塔有金色手出塔頂天香郁然帝駕幸瞻
禮光隨步武法本內傳塔婆此云
案翻譯名義云唐道士尹文操謂法本內
傳是羅什門人造意欲所述漢明夢金人

道家焚經事恐是虛偽殊不思明帝感夢
出自漢書闕澤對吳主亦言釋道焚經角
試費叔才自感而死見之吳志以此推之
則內傳真是漢時非晉人造文操之妄論
敗矣此與夫列仙傳加化胡字同一謬詐
是亦文操之所加乎

摩騰既卒竺法蘭譯佛本行經等五部法蘭譯經時諸弟子之所記耳
述曰或言內傳無作者名為疑者今觀此
傳備錄騰蘭角法之事豈後人所能知必
法蘭譯經時諸弟子之所記耳
楚王英奉黃白統詣相國曰託在蕃輔過惡
累積奉送饑帛以贖罪愆相國以聞詔報曰

楚王誦黃老之微言尚浮圖之仁祠何嫌何
疑當有悔吝其還贖以助伊蒲塞桑門之盛
饌

楚王誦黃老之微言尚浮圖之仁祠何嫌何疑當有悔吝其還贖以助伊蒲塞桑門之盛饌
初帝聞西域有神其名曰佛因遣使之天竺

求其道得其書及沙門以來其書大氏以虛
無為宗貴慈悲不殺以為人死精神不滅隨
後受形生時所行善惡皆有報應故所貴修
練精神以至為佛善為宏開勝大之言以勸
誘愚俗精於其道者號曰沙門於是中國始
傳其術圖其形像而王公貴人獨楚王英最

先好之

又通引西域傳

范羣

西域傳

論曰佛道神化興自身毒而西

漢方志

其有稱焉

禮記文武之政布在方冊

為御吏主

柱下方書又云

其簡也漢張蒼

於左方皆

木今言方志

志於木方也張騫但

著地多暑

濕乘象而戰

班超唯列其奉浮圖

不殺伐而

精文善法

導幸之功靡所傳述子

聞之後說

其國殷乎中土

玉燭和氣靈聖之

所降集賢

懿之所挺生

神迹詭異則理絕人

區威驗明

顯則事出天外

而騫超無聞豈非

道閉往運

而數開叔葉乎

云云

袁宏漢紀

云西域天竺有佛道

為佛者漢言

覺也將覺

悟羣生也其教以修善慈心為主

專務清淨其精者號沙門漢言息心蓋息意

去慾而歸於無為也又以為人死精神不滅

隨復受形生時所行善惡皆有報應故所貴

行善修道以練精神以至為佛也佛身長一

丈六尺身黃金色項佩日光變化無所不入

故能化通萬物而大濟群生明帝感夢乃遣

使天竺問道圖其像而還有經數千卷以虛

無為宗包羅精粗無所不統善為宏闊遠大

之言所求在一體之內所明在視聽之外世

俗之人或以為虛誕然歸於玄微深遠難得

而則故王公大人視死生報應之際莫不懼

然而自失焉反驚也

述曰袁氏漢紀言天竺有佛道佛身丈六
金色日光化通萬物大濟群生明帝感夢
遣使問道得其經像此佛法來東之時與
法本內傳相為表裏蘇子瞻為之跋云此
殆中國始知有佛時語雖淺近大略具足

安帝詔書

永初元年十六祖難提至摩提國以法藏付
僧伽邪舍

順帝詔書

永和元年十七祖邪舍至月氏國以法藏付

鳩摩羅馱佛記滅後一千年出

桓帝志書

永樂北藏

佛祖統紀

建和元年月氏國沙門支誠至雒陽譯般若
三昧阿闍佛經等二十一部
一年安息國沙門安世高至雒陽譯五十校
計等百七十六部
三年十八祖羅馱至北天竺以法藏付闍夜
多

池五

六

九年自永平以來臣民雖有習浮圖者天子
未之好至帝始為好之於禁中鑄黃金浮圖
老子像老子像與親於濯龍宮設華蓋之座用
郊天之樂華蓋座同

靈帝志書

漢

三年安息沙門安世高有同學死為共亭湖

神異音泰即起能使過船分風上下世高至
廟神謂之曰我家此湖千里以昔布施今大
有珍寶以多瞋今受蟒身幸取我繒寶為造
一塔祈生善慶世高遂於豫章建寺造塔後
蟒死山中首尾數里安今大寺
嘉平元年十九祖闍夜多至羅閱國以法藏

付婆修繫馱

光和三年西天沙門竺佛朔至雒陽譯道行
般若經

中平五年清信士嚴佛調譯古維摩經等
六年宦者張讓詐以太后詔大將軍何進斬
之中軍校尉袁紹引兵捕諸宦者殺二千人

張讓投河死

述曰儒學之危時常有之其始自秦李斯
斯阮諸生為郎者七百人漢宦官禁錮寔
范滂等二百人殺天下儒賢廷中宰輔陳
蕃竇武李膺及鈞黨死者百餘人廢徙禁
錮者七百人及矯詔斬大臣何進而袁紹
乘怨殺宦者二千人雖為一快然君子小
人俱於死玉石俱焚亦何足為儒門幸大
氏天有定命運有通塞危會之來所不容
免唐朱溫殺朝賢三十人投屍于河亦一
厄也悲夫如釋氏之危三武皆此類也

獻帝中子

初平元年二十祖槃駁至那提國以法歲付摩拏羅

二年蒼梧儒生牟子因世亂無仕宦意銳志佛道而世多非之乃製理惑論以為勸其辭有云佛者覺也猶三皇神五帝聖也大見大施弘明集

述曰牟子不得其名當佛道未大行之日

而能為論授三家之事義比決優劣以祛世惑以禦外侮是殆大士示迹如來也之使興平二年下邳相笮融則格起佛祠課人誦經浴佛設齋時會者五千餘人

述曰漢世人間建佛祠行佛事者始見之笮氏嘗與一儒老共觀此文笑之曰為士

夫而使後世書為學佛豈不恥哉磐應之曰學佛者豈不是為善之人乎為士夫而使作史者指為姦佞貪酷甚至於不忠不孝者斯可為恥學佛為善尚何恥哉儒老笑領之

建安元年二十一祖摩拏羅至月氏國以法藏付鵠勒那

十四年二十二祖鵠勒那於月氏國以法藏付師子尊者先是鵠勒那弟子竺大力等來雒陽與康猛同譯興起本行經忽於館所有白光見大力斂容有間曰此我師入滅之相大力康猛支曜康巨等皆善方言終漢之世

譯經三百餘部

魏都洛陽時天下
多無吳蜀三國

文帝受漢禪

黃初元年。吳主孫權於武昌建昌樂寺

五年月氏國優婆塞支謙來雒陽謙受業於

支亮亮受業於支謙世稱天下博知無出三

支謙細長黑瘦眼白睛黃時人語曰支郎眼

中黃形軀雖細是智囊後避地歸。吳拜為

博士。○西天沙門維祇難同竺律炎來。

吳譯經五部

六年陳思王曹植文帝弟每讀佛經輒留連

嗟詎以為至道之宗極嘗遊漁山聞空中梵



天之響乃摹其聲節寫為梵唄音敗與撰文

制音凡六契經音義云傳為後式

明帝帝文

太和三年吳潘夫人於武昌建慧寶寺

齊王芳明帝

正始二年吳赤烏四年康居國沙門康僧會

來吳國人初見咸驚異之吳主曰是漢明所

夢佛神之遺風乎乃召問之會曰如來遷化

已逾千載靈骨舍利神應無方具主曰舍利

可得當為立塔若其無驗國有常刑會謂其

徒曰大法廢興在此一舉當潔齋以懇求七

日無驗展至三七日衆且懼忽鏗然有聲視

餅中舍利五色吳主自執餅瀉銅盤中盤即破裂火燒鎚擊一無所損因起浮圖置建初寺名其地曰佛陀里

三年吳尚書令闕澤捨宅為德潤寺在四明慈溪縣

今名普濟澤吳主問曰孔子教化世俗老莊

放蕩山林何事佛為澤對曰孔老法天制用

池王

九

不敢違天諸天奉行佛教不敢違佛以此言之實非比對吳主曰佛教入中國何緣不及東方澤曰永明十四年五嶽道士褚善信費叔才等與西僧角法費叔才自感而死至今百七十年離亂歲深方至於此

述曰三國之時各務戰守而於此道未之

能弘然吳之君臣稍有知者故建寺譯經奉舍利論佛教班班可見魏之境獨陳思王能知之蜀則蔑聞意戰國遐阻未便能至耳

嘉平二年中天竺三藏曇摩迦羅至洛陽譯僧祇戒立大僧羯磨受戒先是比丘出家特

剪髮而已未有律儀凡齋懺法事如祠祀狀及迦羅至始出戒本遂為日用

四年中天竺沙門康僧鎧至洛陽譯經高貴鄉公

帝

正元元年漢魏以來二衆唯受三歸大僧沙

彌曾無區別曇摩迦羅乃上書乞行受戒法

與安息國沙門曇諦同在洛出曇無德部四分戒本十人受戒羯磨法沙門朱士行為受戒之始迦羅此法時曇無德此云法正今始和法時至此法傳口分十人受戒法為二祖至南山廣述疏妙行於世為九祖甘露元年天竺沙門白延至洛陽譯無量清淨平等覺經等六部無畏三藏至交州譯法華三昧經 ○吳主孫皓不敬佛法毀廢寺宇詰康僧會曰佛言善惡報應可得聞乎會曰明主以孝道治天下則赤烏翔老人見南極老人星見則治安以仁德育萬物則醴泉涌嘉禾生善既有徵惡亦如之它日宿衛治國得金像皓使置穢廬灌以不潔俄得腫疾占者云

坐犯大神皓悟迎像供事請會說法禮拜悔罪受五戒疾獲愈奉會為師復營立塔寺四年二十三祖師子尊者遊化至蜀賓國有外道詐為僧形以幻術入王宮奸犯妃后王怒曰吾信事三寶而沙門何多辱我即毀寺害僧自秉劍至尊者所斬師白乳涌高數尺王臂尋墮七日暴死白起此祖至師子事之詳備在西土二十五年潁川朱士行時存姓講道行般若經諸經之始每歎譯理未周乃發迹長安至于閭閻沙門遊得梵本般若國禁不傳東土士行請驗以火無損王信異乃許其傳士行即寄經東歸

因名放光般若



佛祖統紀卷第三十五



世五

永樂北藏

佛祖統紀

第二〇〇冊

永樂北藏

佛祖統紀

第二〇〇冊